

3) Թանգարան-Գրադարանի վարելու գործը յանձնում է Հայաստանի Ազգագրական-Մարդաբանական ընկերությունը, Հայաստանի Հանրապետության Հանրային կրթություն և Սրբատի Նախարարի վերահսկողությունակա և նրա կողմից հաստատուած առանձին կանոնադրութեամբ:
(Հաստատուած է 1919թ. սեպտ. 9-ին.)

2. Ֆինանսական նախահաշիւները և պետական ելամտացոյց կազմելու, ֆոնելու և հաստատելու մասին. — 1) 1920թ. ելամտական տարին հաշուել նոյն տարւայ յունւարի մէկից:

2) Նախարարութիւնների և պետական վերահսկողութեան ելամուտքի նախահաշիւների նախագծերը միաժամանակ ուղարկուած են Ֆինանսների նախարարութեան եօթն օրինակ և պետական վերահսկողութեան մի օրինակ 1919թ. նոյեմբեր 10-ից ոչ ուշ:

3) Պարլամենտի և նրա դիւանի պահպանման համար բացւած վարկերը մտցուած են նախահաշիւ մէջ նախագահութեան ներկայացրած գումարների համաձայն:

4) Իւրաքանչիւր նախարարութեան և պետական վերահսկողութեան նախահաշիւի նախագիծը նախօրօք քննութեան է առնում նախահաշիւները քննող Միջվարչական Յանձնաժողովը, որ կազմուած է համապատասխան նախարարութեան, Ֆինանսների նախարարութեան և պետական վերահսկողութեան ներկայացուցիչներից:

5. Յանձնաժողովի անդամների թիւը որոշուած է յիշեալ վարչութիւնների համաձայնութեամբ:

6. Նախահաշիւները քննող միջվարչական յանձնաժողովի նախագահը նշանակուած է Ֆինանսների նախարարի կողմից:

7. Նախահաշիւային այն ենթադրութիւնները, որոնց մասին տարաձայնութիւն չի ծագում նախահաշիւները քննող յանձնաժողովի մէջ, համարուած են հաւանութիւն դառն այլ նախարարութեան նախահաշիւի նախագծի մէջ մուծելու համար:

8. Ծագած տարաձայնութիւնների մասին յիշեալ երեք վարչութիւնների ներկայացուցիչները ղեկուցում են իրենց իշխանութիւններին: Եթէ վերջիններս չեն համաձայնում, նրանցից իւրաքանչիւրի եզրակացութիւնը կցւում է նախահաշիւի նախագծին:

9. Նախահաշիւային յանձնաժողովի քննած նախահաշիւների նախագծերը տարաձայնութիւն առաջ բերող հարցերի մասին մտցրած եզրակացութիւնների հետ միասին ուղարկուած են Ֆինանսական նախարարութեան միջոցով Նախարարների Սորհրդին ոչ ուշ քան 1918թ. նոյեմբերի 20-ը:

10. Նախարարների Սորհուրդը քննելով նախահաշիւների նախագիծը և լուծելով վիճելի հարցերն ու նախագծին իր հաւանութիւնը տալով, 1919թ. դեկտեմբերի 1-ից ոչ ուշ, վերադարձնում է Ֆինանսների նախարարին պետական ելամտացոյցի նախագիծը կազմելու համար:

11. Ֆինանսական նախարարը Նախարարների Սորհրդին է ներկայացնում պետական ելամտացոյցը ոչ ուշ, քան 1919թ. դեկտեմբերի 15-ը:

12. Նախարարների Սորհրդի կողմից հաւանութիւն դառն պետական ելամտացոյցի նախագիծը հրատարակուած է անմիջապէս և ոչ ուշ, քան 1919թ. դեկտեմբերի 20-ը առաջարկուած Հայաստանի Պարլամենտի քննութեան:

13. Հայաստանի Պարլամենտի կողմից հաստատուելուց յետոյ պետական ելամտացոյցը հրատարակուած է 10 օրւայ ընթացքում:

(Հաստատուած է 1919թ. նոյեմբ. 17-ին)